

道

藏

第十八册

道

藏

李一氓



文物出版社
上海書店
天津古籍出版社

图书在版编目(CIP)数据

道藏/上海书店出版社编. —上海:上海书店出版社,
1988.3(2005.6重印)

ISBN 7-80569-528-8

I. 道... II. 上... III. 道藏—影印本 IV. B951

中国版本图书馆 CIP 数据核字(2000)第 44776 号

道藏(全三十六册附索引一册)

出版

世紀出版集團
上海書店出版社

(上海福建中路一九三號)

文物出版社

(北京五四大街十九號)

天津古籍出版社

(天津河西區佟樓三合里)

印刷

江蘇省金壇市古籍印刷廠

發行

世紀出版集團發行中心

定價

柒仟伍佰圓

1988 年 3 月第一版 2005 年 6 月第 6 次印刷
ISBN 7-80569-528-8/Z · 18

目錄

猶龍傳六卷

一八一

太上說玄天大聖真武本傳神呪妙經一卷

一八一三八

真武靈應真君增上佑聖尊號冊文一卷

一八一四二

章獻明肅皇后受上清畢法錄記一卷

一八一四二

華蓋山浮丘王郭三真君事實六卷

一八一四四

唐鴻臚卿越國公靈虛見素真人傳一卷

一八一七八

地祇上將溫太保傳一卷補遺一卷

一八一九〇

玄品錄五卷

一八一九七

大滌洞天記三卷

一八一四〇

墉城集仙錄六卷

一八一六五

太上老君戒經一卷

一八一〇一

老君音誦戒經一卷

一八一二一〇

太上老君經律一卷

一八一二一八

太上經戒一卷

一八一二二二

三洞法服科戒文一卷

一八一二二八

正一法文天師教戒科經一卷

一八一三三二

女青鬼律六卷

一八一三三九

正一威儀經一卷

一八一三五二

玄門十事威儀一卷

一八一三五九

太清道德顯化儀一卷

一八一二六五

正一解厄醮儀一卷

一八一二七一

正一出官章儀一卷

一八一二七四

太上三五正一盟威閱錄醮儀一卷

一八一二八一

太上正一閱錄儀一卷

一八一二八六

正一指教齋儀一卷

一八一二九一

正一指教齋清旦行道儀一卷

一八一二九三

正一敕壇儀一卷

一八一二九五

正一醮宅儀一卷

一八一二九七

正一醮墓儀一卷

一八一二九九

太上洞神三皇儀一卷

一八一三〇一

洞神三皇七十二君齋方懺儀一卷

一八一三〇五

太上洞神太元河圖三元仰謝儀一卷

一八一三〇八

太上金書玉牒寶章儀一卷

一八一三一九

天心正法脩真道場設醮儀一卷

一八一三二三

太上三洞傳授道德經紫虛籙拜表儀一卷

一八一三二七

太上三五傍救醮五帝斷殭儀一卷

一八一三三三

太上消災祈福醮儀一卷

一八一三三七

太上金櫃玉鏡延生洞玄燭幽懺一卷

一八一三四一

太上瑤臺益算寶籍延年懺一卷

一八一三四五

太上正一朝天三八謝罪法懺一卷

一八一三四八

真武靈應護世消災滅罪寶懺一卷

一八一三五二

北極真武普慈度世法懺一〇卷

一八一三五四

北極真武佑聖真君禮文一卷

一八一三七九

太清中黃真經二卷

一八一三八三

太清導引養生經一卷	一八—三九四	孫真人攝養論一卷	一八—四九一
太上養生胎息氣經一卷	一八—四〇一	抱朴子養生論一卷	一八—四九二
太清調氣經一卷	一八—四〇四	養生詠玄集一卷	一八—四九三
太上老君養生訣一卷	一八—四一一	神仙服食靈草菖蒲丸方傳一卷	一八—五〇二
太清服氣口訣一卷	一八—四一四	上清經真丹秘訣一卷	一八—五〇四
莊周氣訣解一卷	一八—四一六	太清經斷穀法一卷	一八—五〇六
嵩山太无先生氣經二卷	一八—四一八	太上肘後玉經方一卷	一八—五一〇
延陵先生集新舊服氣經一卷	一八—四二四	混俗頤生錄二卷	一八—五一二
諸真聖胎神用訣一卷	一八—四三三	保生要錄一卷	一八—五一九
胎息抱一歌一卷	一八—四三八	修真秘錄一卷	一八—五二二
幼真先生服内元炁訣一卷	一八—四四〇	三元延壽參贊書五卷	一八—五二六
胎息精微論一卷	一八—四四五	太上保真養生論一卷	一八—五五七
服氣精義論一卷	一八—四四七	養生辯疑訣一卷	一八—五五九
氣法要妙至訣一卷	一八—四五一	太上三皇寶齋神仙上錄經一卷	一八—五六〇
上清司命茅真君修行指迷訣一卷	一八—四五五	太清金闕玉華仙書八極神章三皇内秘文三卷	一八—五六二
神氣養形論一卷	一八—四五七	三皇内文遺秘一卷	一八—五八一
存神鍊氣銘一卷	一八—四五八	秘藏通玄變化六陰洞微遁甲真經三卷	一八—五八五
保生銘一卷	一八—四五九	太上洞神玄妙白猿真經一卷	一八—六〇五
神仙食炁金櫃妙錄一卷	一八—四六五	太上通玄靈印經一卷	一八—六一二
枕中記一卷	一八—四六五	上清鎮元榮靈經一卷	一八—六一五
養性延命錄二卷	一八—四七四	太上六壬明鑒符陰經四卷	一八—六二一
三洞樞機雜說一卷	一八—四八五	顯道經一卷	一八—六四四
彭祖攝生養性論一卷	一八—四九〇		

神仙鍊丹點鑄三元寶照法一卷	一八—六四九
元陽子五假論一卷	一八—六五二
太清元極至妙神珠玉顯經一卷	一八—六五四
天老神光經一卷	一八—六六六
鬼谷子天髓靈文二卷	一八—六七一
先天玄妙玉女太上聖母資傳仙道一卷	一八—六八九
思印氣訣法一卷	一八—六九二
北斗治法武威經一卷	一八—六九四
太上除三尸九蟲保生經一卷	一八—六九七
太上老君玄妙枕中內德神呪經一卷	一八—七〇五
黃庭遁甲緣身經一卷	一八—七〇六
紫庭內秘訣修行法一卷	一八—七一〇
太上老君大存思圖注訣一卷	一八—七一五
太上五星七元空常訣一卷	一八—七二三
上玄高真延壽赤書一卷	一八—七三一
紫團丹經一卷	一八—七三七
上清金書玉字上經一卷	一八—七四三
太清金液神丹經三卷	一八—七四六
太清石壁記三卷	一八—七六三
太清金液神氣經三卷	一八—七七六
太清經天師口訣一卷	一八—七八七
太清修丹秘訣一卷	一八—七九二
黃帝九鼎神丹經訣二〇卷	一八—七九五

猶龍傳序

敬五

司馬子長唱始作史書而帝紀世家列傳叙前古聖哲之云為燦然若當年目擊故班固而下皆以為則焉聘聖降世之迹雖預其列大率簡約學者莫能究始末愚不揆淺陋紬繹內外書而廣之庶其詳也然涉世之外其間不能無耳目不相接之論蓋著于傳記無敢畧之且不以辭害意者其是之謂歟老氏姓李諱耳字伯陽謚曰聃當商十八王陽甲之十七年歲在庚申其母晝寢夢太陽化流珠入口因吞而有娠凡八十一年極太陽九九之數母氏因逍遙于李下由左腋而生既生皓首而能言指李曰此吾姓也一云父姓李名靈飛母尹氏名益壽即商二十二王武丁之九年歲在庚辰二月十五日卯時生于楚國苦縣厲鄉一作曲仁里渦水之陰至紂王時居岐山之陽西伯命為守藏史武王克商詔為柱下史至昭王二十五年癸丑歲五月乘青牛薄葦車徐甲為御而去周因度函谷關關令尹喜善天文知有聖人之來乃齋

猶龍傳序

戒迎伺至七月十二日老君至授道德二經約千日後會蜀郡青羊肆而俱適流沙至幽王時却還諸夏故孔子適周而問禮後於渦水故居乘白鹿登檜而升天或曰老萊子或曰太史儋或曰百有六十餘歲以其修道而養壽也或曰受學於容成問道於常樞切說文和葉相身也古本文子作松字請俗作總非是世莫知其然不而謂之隱君子也其子名宗仕魏為將軍有功封於段干宗之子注注之子官宮之遠孫假假仕漢孝文帝假之子解解為膠西王中太傅因家于齊夫有天地則有道術道術之士自書契之作而至今世世有之且老氏本亦人靈蓋得道之大者也所以能通神達見而為道主故萬靈所奉三界所歸至若九丹八石玉醴金液存真守元思神歷藏行炁鍊形消災辟惡治鬼養性絕穀變化役使魑魅皆老氏常所經歷救世之術非至者惟其虛無恬淡寂寞無為清靜簡易動與道合故在周歷年之多而名位下遷者蓋欲和光同塵而不自異故著書稱吾言甚易知甚易行天

下莫能知其能行以其當世之士鄙純素尚奇變所以世與道交相喪也而不知聖人起於無始稟於自然現真身而啓師資歷劫運而造天地至于登位統典靈篇撰仙圖傳寶籙為帝師示降生皆聖人恢鴻妙本匠成一切達夫涉世則有宗緒之鴻源歷官之華也久之辭榮去周青牛命駕東離魏闕西度函關以吉祥草而試徐生以上下篇而授尹喜復昇紫府宿約青羊西入流沙化于獼俗却還諸夏屢接宣尼在孝文時號河上公在孝成時授于吉太平經在東漢時授輔漢天師經錄嘉禾中葛孝先居天台山而獲神科秘典至後魏道士寇謙之繼有所受焉有唐推真鴻源專為聖祖聖家有天下至真宗命駕朝謁所謂無始者于太極孫三才族萬物者道也聖人以道為身故無乎不在推五太之先則為無始逮夫以三炁氤氲流乎混沌則為元炁之祖也稟自然者前起於無始後見於真身自然而然不知其所以然故謂之日然聖人體道之自然則有所稟由混元之泮

而論之生者性也有賢愚焉有壽夭焉合其體則自然離其用則非自然也見真身者妙本無形至真非像結氣凝形強爲之容靈寶經云上無復祖唯道爲身道之身即真身也降此則爲法身所謂法身具足微妙三界特尊故九聖九真九仙位業昇降由茲始也啓師資者聖人運茲興感接物振人故立于教教既立矣而師資之法行焉經曰爲學日益爲道日損始於學而日益則有所得也終於道而日損則有所忘也不得以爲學不忘不足以造道故聖人遺其學相而無大迷要妙之異則貴愛兩忘師資雙泯也歷劫運者三界九地有成壞之期自種人四天至三清大羅不干陽九百六之災而七拂石芥城之數所以三竟慈尊四天種人劫運終而無終諸聖盡而無盡也造天地者太上降真元始之三炁而成三十六天三十六地每天立一天帝每地立一地皇以司百靈以御萬有救苦經云天上三十六地下三十六謂此也登位統者天地無爲也而歲功歸焉聖人無

爲也而位業成焉三界十方既廣且大非統之有宗會之有元則亂矣易曰卑高以陳貴賤位矣世之以貴賤知其卑高以黜陟明其昇降而聖人則不然若天之自高地之自厚無不覆也無不載也典靈篇者太上道君以大洞真經智慧慈濟經神虎寶章以金簡玉書命老君典領以付上學之士也撰仙圖者凡二十四階上清大洞登真上法慈尊以洞陽之炁化生此圖按而修之能自致三部八景二十四神之現也傳寶籙者開闢之初天專命天真皇人裁雲作篆字方一丈八角垂芒爲天書之始也聖人欲詮妙本故著之以爲經籙符圖所以有三洞四輔凡三十六部爲大教之樞紐也爲帝師者在伏羲時號鬱華子神農時號大成子祝融時號廣壽子黃帝時號廣成子顓帝時號赤精子帝學待號錄圖子帝堯時號務成子帝舜時號君臣子夏禹時號真行子商王時號錫則子皆以經術授帝俾行化于世降生者以商第十八王陽甲十七年庚申歲託孕於玄妙王女九十

十一年誕于毫之苦縣即武丁九年庚辰歲二月十五日也明宗緒者靈飛之先起於顓帝之後至靈飛凡數十世靈飛娶天水尹氏尹氏即玄妙玉女也爲柱史者聖人隱聖同凡潛龍卑秩以示臣子之道也去周者聖人委質以同塵涉世以伸道所以進非于時退非匿迹豈窮通得喪之所係哉試徐甲者孔子曰如有所譽必有所試聖人雖目擊而道存猶且試之又況徐甲乎故仙道有二十五試以財色爲先而徐甲試之以色則有所不遇也試關令者以其道緣深重故有斯遇所以凡試之皆過也次授經者蓋試之過則其行實其心堅聖人格量中有主焉故以上下經而授之庶傳洪大道也青羊肆者太上與尹真宿約之所千日之期一時之遇忻躍稽首命從雲駕而後化八十一胡王九十六種外道者流沙異俗聲教不聞狸面狼心惟知殺戮其次或男或女若人非人斷髮蘭須烏衣跣足作種種魔事以亂其土太上乃命尹真攝以正法也孔子問禮者孔子問老氏之

言而起猶龍之歎然以聖問聖豈不玄同蓋

聖人尊道之大爲起教之端也號河上公者

孝文時應跡河濱洎授微言復昇雲漢授太

平經者孝成時北海人干吉於琅琊遇太上

授之至後漢順帝時琅琊人官崇詣闕投進

其表云臣親受於干吉言言親受于太上凡

一百七十卷也度漢天師者天師留侯之後

本大儒士抑干祿之志修出世之法乃於維

岳遇神人授以丹訣遂往西蜀修鍊太上降

駕爲說南北二斗經授二十四階法錄已而

戒五瘟八部六天故氣化地作鹹泉又建齋

醮之法久之於雲臺化白日登真葛仙公者

修行於天台山又降授以六齋之法道士寇

謙之隱于嵩岳亦降授以經籙及太平真君

之號具以聞太武帝遂改太延爲太平真君

之年者爲此耳第五大唐聖祖者自神堯御曆之

初示現自稱帝祖至僖宗朝每降迹皆載之

國史也本朝真宗具法駕詣景亳朝謁以旌

欽崇之意

猶龍傳卷之一

左街都監金書院等崇樓僧具誦寶壽齋

起無始

渾淪之未判神靈之未植而爲冥妙之本者

道也所謂道莫窮其根本莫測其津涯而有

大聖人稟之而生于其間故謂之無始者即

太上也太上生乎無始起乎無因爲萬道之

先元炁之祖蓋無光無象無色無聲無宗無

緒杳杳冥冥其中有精其精其真彌綸無外

故稱大道焉大道自然之妙本也於微妙之

中而生空洞者真一也真一者不有不無也

從此一炁而生上三炁三合成德共生無上

也自無上而生中三炁三合成德共生真老

也自真老而生下三炁三合成德共生太上

也自太上而生前三炁三合成德共生老君

也自老君化成後三炁三炁又化生真妙玉

女自玉女稟三炁混沌凝結變化五色玄黃

大如彈丸流入玄妙口中吞之有身凡八十

一年乃從左腋而生生而白首故號老子于

于即老君也乃大道之身元炁之祖天地之

根也失大道微妙出於自然生於無生先於

無先挺於空洞陶育乾坤號曰無上變化無

常不可得名故曰吾生於無形之先起乎太

初之前長乎太始之端行乎太素之元浮游

幽虛出入杳冥觀混沌之未判清濁之未分

三景之未光萬物之未形獨能寓惚恍之庭

游曠浪之野卓然獨立大而無配視之不見

聽之不聞搏之不得所謂混元由茲而始矣

稟自然

老君乃元氣之真造化自然自然者道也強

爲之容即老君也以虛無爲道自然爲性莫

能使之然莫能使之不然亦不知其所以然

不知其所以不然故曰自然而然而也至若乘

地爲輿操天爲蓋馳驚擴蕩翱翔八表不足

比其大也窮幽極微至纖無際析毫剖釐至

小無內不足言其細也八音交奏五聲迭和

烈風迅雷海潮變鼓不足言其聲也玄黃煥

爛丹青燭絕焜煌燁燁綺靡華麗不足言其

色也光耀熠燁神明恍惚風行電逝震霆流

矢不足言其疾也結根九地沉嶠八海水凝

數澤泉湧嶽峙不足言其止也陰陽不測變現無常進退造化鼓舞萬物不足言其神也光燭霽昧洞鑒無形仰觀至陽之原俯察至陰之本不足言其明也影離響絕雲歛霧散歸根返本寂然不動不足言其無也滌宇宙之塵滓掃雲漢之昏蒙下際無根上通寥廓并包六合控馭三界不足言其虛也且道本無形真非有相蓋託虛假有體用互陳不足以盡其妙故歸之自然自然者理之極致也合之爲自然離之爲道德故衆聖所共尊今古不能泯經云道之尊德之貴夫莫之爵而常自然此之謂矣

見真身

老君乃無生之至精此形之至靈也昔於大空之中結炁凝真強爲之容體大無邊相好衆備上無所攀下無所躡或在雲華之上身如金色面放五光自然化出神王力士青龍白獸麒麟獅子列于前後或作千葉蓮華光明如日頭建七耀雲霞之冠身披九色離羅之帔項負圓光手執五明或乘八景玉輿駕

五色神龍建流霄丹節騰九光鶴蓋或乘玉轅之車金剛之輪駢駕九龍輔翼萬仙飛雲寶蓋流煥上下燒香散華浮空而來天鈞妙樂前導後從或坐金殿七寶之帳珠幡寶網羅覆其上仙真列侍神丁衛軒種種儀衛充滿太空或金容玉質黃裳繡帔凭几振拂朝會仙真或玄冠素服白馬朱駢仙童夾侍神光洞明巍巍勝相不可名狀然上善之士澄心結念注想專容則隨感而應應而獲福故能周流三界救度無窮且大道處於無形無形則非凡所見應念通感通感則非在一端或示仙姿妙體爰及肉身或飛或步或尊或卑或山或世或夷或夏不可測量隨感精靈應已則隱來無所從去無所至洞有洞無周徧一切悟者此心通達迷者永劫沈淪欲識道之真身不出于此夫道不可見見而非也道不可聞聞而非也蓋示理教俱淵寂然不動於不動中亦能使未見者見未聞者聞此明境智相發感而遂通然通寂雖殊其致一也故曰道常無爲而無不爲無爲者體也無

不爲者用也本際經云心之念道凡有二種一念法身七十二相八十一好具足微妙三界特尊二念真身猶如虛空圓滿清靜不生不滅若於此相未能明審須憑圖像係錄其心當鑄紫金寫此真形泥木銅綠稱力所爲殿堂帳座幡華燈燭隨心供養如事真身想念丹劍功德齊等若能洞觀非身之身圖像真形理亦無二是以敬像隨心獲福報之輕重唯其存心心念增進自然成道所謂人能念道道亦念人是也沿此法身即法號以應羣情老君挺生空洞變化自然智慧無窮聖德周備形既莫測號亦無邊在天爲萬天之主在聖爲萬聖之君在仙爲萬仙之總在真爲萬真之先在星爲天皇大帝在教爲太上老君或垂千二百號或顯百八十名或號無爲父或號萬物母與大道而輪化爲天地之根原浩浩蕩蕩不可名也約而言之凡有十號即降生之後空中十方諸聖讚十號者是也一號無名君二號無上元老三號太上老君四號高上老子五號天皇大帝六號玄中

大法師七號有古先生八號金闕帝君九號太上高皇十號虛無大真人推此言之由法身以歸真身由真身以合妙本皆出處通感之迹也

啓師資

夫道之妙非形色聲味之所可求而必資于師授也古之聖賢有生知之性以一悟萬然後至於無所修無所證無所修修之至也無所證證之至也夫如是猶假師之以發明又况非聖賢者邪故聖人垂世立教而有授受之法中人以下以之爲繩墨去之則無以加其意也如三洞四輔之所載上清經籙以金龍王魚盟天而傳故傳授者之謂師聽受者之謂資所以結志誠戒漏慢而免輕泄陰考之咎推此則道不可無師尊教不可無宗主故老君師太上王晨大道君焉大道君即元始天尊之弟子也天尊生億劫之前爲道炁之祖所以道君爲天尊之弟子老君之師二聖既立即老君嗣焉而曰老者何也老者處長之稱君者君宗之號以老君天上天下歷

化無窮先億劫而生後億劫而長天天宗奉帝師承故賜以太上老君之號三聖相承千古垂範欲茲授受故著尊卑此師法之本也莊子曰吾師乎吾師乎整萬物而不以爲義澤及萬世而不以爲仁長於上古而不以爲老覆載天地彫刻衆形而不以爲巧在太極之先而不以爲高居六極之下而不以爲深先天地生而不以爲父是也且道君老君具至聖之德動息合道豈假師承邪蓋以聖傳聖理自玄同然起教之端必資授受爲今昔之筌蹄人天之鴻範也

歷劫運

靈寶經云保制劫運使天長存且劫有小大運有脩短拂石芥城劫之小也陽九百六劫之大也金木水火土運之主也一成一虧運之交也劫盡而運未交運交而劫未盡非所以爲劫運也惟其二者會合然後見其成虧太準聖人與天地並生與萬物爲一故能造天地祖神靈係而制之則無天關蓋歷劫運而長存者老君是也生於無始起乎無因獨

立於溟津之前周行於開闢之後經歷劫運甚爲久遠劫者天地成壞之名陰陽窮盡之數陽盡即生陰故爲大水陰盡即主陽故爲大火陽極於九故云陽九陰極爲六故云陰六小則三千三百年次則九千九百年大則九九八十一萬年爲劫終也老君降生行化經此劫運不知其數亦書云劫運者三十日爲一交十二交爲一度三千三百度爲小劫九千九百度爲大劫又陽九百六之數極而爲劫運者以夫陽極於九陰極於六凡陰陽之數極於九六者則三界蕩然所以湯湯之水炎炎之火皆陰陽窮極之數理使之然也且夫大道既分離爲五行流於五劫每至劫之初終太上垂世立教以度天入所謂五劫者龍漢之爲木劫亦明之爲火劫延康之爲土劫開皇之爲金劫上皇之爲水劫所以五劫之開則五行爲之主一起一伏周而復始西昇經云上世始以來所更如沙塵動則有載劫自惟甚苦辛是也

猶龍傳卷之一

猶龍傳卷之二

敬六

左街都監圖書教門公事崇德傳真師賈善刊編

造天地

混元之判而為三才輕清者上而為天重濁者下而為地有天焉有地焉陰陽之質具矣然後以冲和之炁為人經曰道生一一生二生三謂此也或曰以一聖而造天地可乎答曰天地有形中之大者也而有形生於無形惟無形故能造天地蓋無形者道也聖人亦未嘗出于是以裁雲作篆流布諸天銓聖注真掌握幽顯以聖傳聖異夫古初推此言之故無疑矣蓋老君乃混沌之祖宗天地之父母故立乎不疾之途遊於逍遙之墟御空洞以昇降乘陰陽以陶埏分布清濁闔闢乾坤懸三光育羣品天地得之以分判日月因之以運行四時得之以代謝五行得之以相生故於九萬九千九百九十九億萬炁之初運真元始之三炁而為天上為三清三境即始炁為玉清境真炁為上清境元炁為太清境是也又以三清之炁各生三炁合成

九炁而為九天第一鬱單無量天第二上上禪善無量壽天第三梵須延天第四寂然兜術天第五波羅尼窠不驕樂天第六洞玄化應聲天第七靈化梵輔天第八高虛清明天第九無想無結無愛天此之九天各生三炁每炁為一天合二十七天通此九天為二十六天則三界四民上極三清是其數也初下六天為欲界一太黃天二太明天三清明天四元胎天五元明天六七曜天是也次十八天為色界一虛無天二太極天三赤明天四恭華天五曜明天六皇始天七虛明天八端靖天九元明天十極樞天十一元載天十二太安天十三極風天十四始皇天十五太黃天十六無思天十七上撰阮樂天十八無極臺誓天是也次四天為無色界一霄度天二元洞天三妙成天四禁上天是也此二十八天名為三界劫運所及陰陽所陶炁有窮極人有壽數初第一太黃皇曾天人壽九百萬歲一天加一倍凡二十八天年壽之數極於一千二百七萬九千七百七十五萬五千

二百萬歲下至日月所交四千四百四萬四千四百四十四億炁一炁三千里也此上又四天名為種人天一常融天二玉隆天三梵度天四寶英天此四天超出三界日月之光所不及其天人皆以身光相照故不生不滅無年壽之數無論壞之期雖大劫之交災所不至而下諸天諸地隨劫淪滅劫運再開混沌復判則此天之人承太上所初下化人間垂法立教一如此劫之初三皇繼理矣又上三天為三清境一曰太赤天二曰禹餘天三曰清微天最上曰大羅天包羅諸天極高無上玄都玉京鎮於其巔三尊所處萬聖朝軒為極道之域變化之根也既分諸天即以純陽之炁上為三十六天次以純陰之炁下為三十六地每天立一天帝每地立一地皇七十二君同稟命於老君矣所謂三十六地者始於九壘第一壘潤色地第二壘剛色地第三壘脂色澤地第四壘潤澤地第五壘金粟澤地第六壘金剛鐵澤地第七壘水制地第八壘大風澤地第九壘洞淵無色網維地九

壘之地每壘從上第一一重土次一重水次一重風合二十七重也九地者九壘也每地有一重土一重水一重風更相擎持下極九壘之下號曰洞淵網維之地其下浩蕩頑空凝滯不可極也洞真經云九地各有四土皇分掌東西南北之域官寮曹屬亦皆萬衆復每洞有一仙王合三十六仙王統下界羣仙官屬亦然即九地合有三十六土皇三十六仙王上應三十六天中應三十六洞下有三十六地也儒家所云九九天地此乃天地之大數耳天以清浮之炁凝而成形地以濁滓之質積而成象天地之間別有靈府洞官處於名山潛通地下蓋以通九地之炁爲空濛之穴日月分精燭於其內仙聖分位理於其中列子所云地積塊也無處無塊此亦言其大體耳自日地之下幽暗冥昧無復光華積陰之炁使之然也宗元先生云九天之上無陰也九地之下無陽也陰陽混蒸以生死萬物者正者天地之間其言信矣洞真外國放品經云第一壘去天九十萬七千二百里九

壘之上去天一千二百一十八萬里曆象書云八極之闊共一百八十一萬四千四百里天地相去半八極之數此與經文相符也九地之下太空之根經圖不載難更詳測列子云天地之外無極無盡則無無極無無盡也其諸天境域分布凡有五億之殊皆三十六天之炁所生也故清浮謂之天濁滓謂之地陽光謂之日陰精謂之月日生謂之星殞墜謂之石方謂之珥圓謂之暈向日謂之蜺背日謂之虹上浮謂之雲下屯謂之霧鼓謂之雷激爲之霆輕爲之雪重爲之雹靈爲之雨散之爲風爽爲之火凝爲之水堅爲之金脆爲之木液爲之水壅爲之土通爲之川迴爲之泉平爲之陸積爲之山在天爲之文在地爲之理月生爲之朔月終爲之晦朝爲之晝夕爲之夜靈炁爲之神精炁爲之人休炁爲之鬼煩炁爲之蟲雜炁爲之禽獸姦炁爲之精邪別爲之陰陽雜爲之四時四時變化萬物生焉其高不可際深不可測包裹天地稟受無形舒之覆於六合卷之不盈一握小而

能大昧而能明弱而能強柔而能剛含陰吐陽無所不爲也地中有三十六洞天亦與上天相應日月分精燭于其間則天文地理六甲五行陰陽變化皆老君開衆妙之門運百靈之力生之成之行之化之矣故曰道者萬化之宗重玄之本天得之以清地得之以寧物得之以生神得之以靈海嶽得之以安鎮王侯得之以太平道士得之以神仙枯朽得之以發榮也老君即陰陽之主宰萬神之帝君元炁之父母先王之師匠品物之橐籥陶冶虛無造化萬有衿帶八極載地懸天遊馳日月運幹星辰呼吸六甲制御乾坤推移寒暑驅役風雲奮赫雷電主水旱之進退定曆數之虛盈一出于此

登位統

道無先後悟之者一也位有升降證之者殊也故三界浩渺百靈紛錯非其道則離非其主則亂所以任夫統之有宗會之有元則無其極矣以人間世觀之貴賤有其位卑高有其等先王御天下之法尚或然而況開明三

景之後天地不增不損幽明有降有升詎非真聖以位業統之者其孰能與於斯然老君以大聖之功生化天地運育萬物豈復有品位名稱哉然上有元始之尊次有道君之聖老君次道君之位演化立功既以三炁運行萬天周布衆法元功克著乃證極道之果三尊之位嗣太上之任爲法王之尊也所以上總羣聖中理衆真下制諸仙而統攝三十六天三十六地七十二君星辰日月獄瀆萬靈陰陽變化一切神明至于天上天下地上地下五億天界有情無情有識無識有形無形皆老君之所制御焉而常處太清境太極宮丹臺紫闕玉臺之中有三大仙九太帝二十七天君八十一卿大夫千二百仙官二萬四千靈司七萬仙童玉女五億天丁神王並列侍雲衢至于巨虬獅子金翅孔雀鳳凰靈獸天馬麒麟備衛左右老君時亦上朝元始疏奏罪福中謁玉晨宮校九宮下統三界生死之簿一切神官鬼僚考察之司及十大洞三十六小洞七十二福地三十六靖廬二十

四化仙宮靈洞福食之曹無幽無隱莫不仰隸焉或下理九天在太微鈞陳六星中號天皇帝曜魄寶所以乘三使六把九樞機統攝萬一千五百二十名件兼持仙籙主領神人真人仙人聖人賢人但見百億天王拜手于前懇求風雨水旱豐儉通順死生善惡之事遊行萬方以洪道化而一老君常在太清太極之官也

典靈篇

夫琅函寶笈玉字金書始載雲之後皆演道之法言爲衆妙之鈴鍵靈寶經云無文不光無文不明無文不立無文不成正謂是也昔老君於太上道君洎虛皇太微凡所得者以自護度故能掌握天地制御神祇濟死度生登真證道故太上典領神虎符圖智慧素經於協晨靈陵營之臺下薦九玄於紫霄上總羣真於青簡於是太妙真人玉清神女執朱陵之香華捧要妙之幽章太上道君漱碧水吐絳炁虛心靜躬安神注妙左帶神虎右佩金真說智慧上經及靈藥消魔上章焉或云

金闕帝君曾侍座而問之此即老君之別號也或謂虛皇天尊或謁太微帝君凡是上清大洞真經召靈滅魔神符寶章並掌錄焉此經皆結飛玄自然之炁以成靈文其道高妙衆經之尊總統萬真制御羣仙祕於九天之上大有之宮金暉紫殿玉映瑤房鑄金爲簡以刻靈文或云白玉丹書以明其篇或載太微靈都琳宮玉房衛以臣獸毒龍神虎凡七千備于玉闕金晨玉童素靈玉女各三千人侍衛靈文衆真典領萬聖朝軒玉陛虧蓋于霄庭太帝屈節於几前玉皇改度以推運璇璣命斗以迴神大道君乃登陵曾之臺九曲之房引後聖九元金闕帝君對齋三月依盟啓授至大劫之周三道虧盈二炁離合終則有始運度無差承唐之世陽九之災萌除凶悖搜羅上賢方是時也有修行大洞真經精唯一之幽關施八道以招具研金華於三元誦素靈於靜室榮五行以招龜佩金神之虎文移七星於天關掌玄名於帝圖建青籙於上清胞玉秀以結絡含瑤胎以內靈絕世好

於長阜獨守默於自然可以真授于八景告
妙訣於金章施招靈於曲字置豁落以御神
拔七祖於幽宮俾五苦八難應時消落有得
此文超騰九天洞見三精自無其人永劫不
傳末學之夫安知其道浩博而悟在精思也
功累塵沙徒自疲薊竟不通感內外蔽蒙一
失茲生輪迴退墮今故鈔集上皇玉文以相
告當擇賢而傳其法寶秘為萬道之宗也依
按明科則衆真監度輕泄漏慢則殃延祖禍
可不慎邪

撰仙圖

圖錄經像出於師承乃上聖之秘言即修行
之要指故三部八景二十四神具于人身各
有圖像按而行之立致通感在昔元始而授
之於後聖君俾流布於人天後聖君者即老
君也以上皇元年九月十日上皇上天號也
而人常聞者不知
所從常多排此號出遊西河歷觀八方遇元
始天王乘八景玉輿駕九色玄龍三素飛雲
導從羣仙手執華幡獅子白鵠嘯歌豈豈浮
空而來降西河之上後聖君稽首請問曰昔

蒙訓授天書玉字二十四圖雖得其文未得
其妙雖有圖讚而無其像修之菴藹莫測津
涯今遇天尊喜慶難言願垂成就示以道真
於是天王口吐洞元內觀玉符以授君使清
齋千日靈香薰體東向服符即形神備見自
當洞達諸疑頓了第六君稽首奉承依天儀長齋
十日東向服符三部八景神並見金書玉字
二十四圖空中煥明洞徹無礙是時即命主
圖上仙而篆圖焉金書紫字玉文丹章於此
成音而後南極上元九光太真王夫人東西
二華南北真公五嶽神仙清虛真人所受真
文圖像皆由後聖君所傳焉後聖君三天列
紀中自有傳
二十四圖者上一沐浴東井圖上二神仙五
嶽真形圖上三通靈決精八史圖上四神仙
六甲通靈圖上五神仙九官紫房圖上六神
仙元始太清圖上七神仙真道混成圖上八
神仙西昇保錄圖中一神仙通微靈化圖中
二神仙躡虛九靈圖中三神仙九變天圖中
四神仙常存圖中五神仙守一養身圖中六
神仙守神舍景圖中七神仙寂默養精守志

圖中八神仙芝英玉女圖下一神仙六陰玉
女圖下二神仙九元導仙圖下三神仙導引
圖下四神仙洞中皇寶圖下五神仙變化隱
側圖下六神仙採芝開山圖下七神仙明鏡
圖下八神仙無極太一圖右二十四圖以洞
天元始之炁化生因撰施行仍以諸聖妙旨
更相發明所謂應物無擇者道也赴感隨機
者聖也常以經圖戒律廣化一切分形應感
無量無邊而太上之體端寂無為無生無滅
也

傳經蘊

三十六部尊經肇自劫初雲篆之作而有之
也皆大梵隱語諸聖格言故為妙道之筌蹄
人天之藥石矣總之則三十六部析之則萬
八千篇寶蘊金書聖真珍護乃文字之根本
萬法之紀綱故後聖君云上皇寶經皆結自
然之章以行長生之道不死之方符章玉訣
起於九天王傳於歷劫之真至三五改運九
靈應期吾推校本元以歷九萬億九千劫上
皇典格多不相參吾以中皇元年三月一日

於玉清天金闕之中命東海青童君尋俯仰之格考校天文撰集靈篇爲寶經三百卷符圖七千章玉訣九千篇以付上相青童君俾傳未學含真之人也上清者老君於上三皇時人尚淳樸以龍漢元年號玄中法師以上清聖教一十二部開度天人也靈寶者中三皇時老君以赤明元年號有古先生降靈寶真經一十二部開化一切救度兆人也洞神者下三皇時人心樸散老君以開皇元年號金闕帝君出洞神經一十二部開度萬品謂之三十六部尊經也又一日洞真二曰洞玄三曰洞神各有一十二開合爲三十六部尊經上應三清三十六天中應三界三十六帝下應九壘三十六土皇內通人身三十六宮故人頭有九宮心有九孔膺有九神形有九戶凡三十六所外合三十六音也

爲帝師

南華經云吾師乎吾師乎整萬物而不以爲戾澤及萬世而不以爲仁此莊周以道爲師也老氏在天以玉晨大道君爲師在人間世

以常樞爲師雖老氏之聖猶不能無授受之迹又況非老氏者耶書云事不師古以克永世且先覺者博古而知今適足以爲楷模以之修身與夫治天下則能長且久故老氏自三皇五帝變名易號皆所以扶世立教以授天下之人在伏羲氏時人已澆漓而未有法度老君號鬱華子下爲師說元陽經教以畫八卦造書契以通神明之德以類萬物之情仰則觀象於天俯則觀法於地爲文教之始也在神農時人捕禽獸茹毛飲血老君號大成子下爲師說元精經教以化生之道播百穀以代烹殺和百藥以救百病膏肓得禾嘗柳得稻膏榆得黍膏槐得豆膏桃得小麥膏杏得大麥膏荊得麻既登五穀以活民命止殺禽獸羣分類聚長善遏惡以全其生不食血肉故無業累示好生之道由茲始也在祝融時人食生冷未知火化故多疾苦老君號廣壽子下爲師說按摩通精經教以安神之道乃鑽木出火陶鑄爲器以變生冷人保其壽故陶鑄之法自茲始也自伏羲之後老君

示以世法制禮樂以叙尊卑造衣裳以明貴賤作宮室以代巢穴爲舟車以濟不通置棺槨以免衣薪造弧矢以威不順立刑獄以戒兇暴造書契以代結繩服牛乘馬引重致遠日中爲市交易而退耒耜耕田之利重門擊柝之規皆出於此矣在黃帝時老君號廣成子南華經云黃帝立爲天子十九年令行天下聞廣成子在於崆峒之上故往見之曰我聞吾子達於至道敢問至道之精吾欲取天地之精以佐五穀以養民人吾又欲官陰陽以遂羣生爲之奈何廣成子曰而所欲問者物之質也而所欲官者物之殘也旬而治天下雲氣不待族而雨草木不待黃而落日月之光益以荒矣而佞人之心翦翦者又奚足以語至道邪黃帝退相天下築特室席白茅間居三月復往邀之廣成子南首而卧黃帝順下風膝行而進再拜稽首而問曰聞吾子達於至道敢問治身奈何而可以長久廣成子蹶然而起曰善哉問乎來吾語汝至道至道之精窈窕冥冥至道之極昏昏默默無視

無聽抱神以靜形將自正必靜必清無勞汝形無搖汝精乃可長生目無所見耳無所聞心無所知汝神將守形形乃長生慎汝內閉汝外多知爲敗我爲汝遂於大明之上矣至彼至陽之原也爲汝入於窈冥之門矣至彼至陰之原也天地有官陰陽有藏慎守汝身物將自壯我守其一以處其和故我修身千二百歲矣吾形未嘗衰黃帝再拜稽首曰廣成子之謂天矣廣成子曰來余語汝彼其物無窮而人皆以爲終彼其物無測而人皆以爲極得吾道者上爲皇而下爲王失吾道者上見光而下爲土今夫百昌皆生於土而反於土故余將去汝入無窮之門以遊無極之野吾與日月參光吾與天地爲常當我絳手遠我昏乎人其盡死而我獨存乎帝行之天下大治久之帝詣青丘見紫府先生中黃真人大隗君黃蓋童子青城寧先生峨嵋山天真皇人皆得真訣鑄鼎荆山乘龍白日昇天羣臣同昇者七十二人混元又爲說道戒經復傳道與天老力牧風后三人皆得道又西

王母授帝玉像五軀曰此則元始天尊之像也又傳二儀真形圖與帝帝受訖乃置像於高觀以異香名花千珍萬寶晨夕供養雖后妃宰輔莫得觀焉觀之上常有異色雲氣加之天香芬郁謂之道觀道觀之號自茲始也帝有離宮別館在名山洞府者三百餘所並捨爲道觀每觀度道士七人以焚修在顯帝時老君下爲師號赤精子居衡山授帝微言經教以忠順之道在帝嘗時老君下爲師號錄圖子居江濱授帝黃庭經教以清和之道在帝堯時老君下爲師號務成子居姑射山授帝政事離合經教以廉謹之道在帝舜時老君下爲師號尹壽子居河陽授舜道德經教以無爲清靜之道此上下二經出於茲焉在夏禹時老君下爲師號真行子居商山授禹德戒經教以勤儉之道又授靈寶五符檄召神鬼之法然後能濟九江決百川通湯海矣在商湯時老君下爲師號錫則子居瀟山授長生經教以恭愛之道湯行之視人如己恩及昆蟲而後太上以商王陽甲十八年庚

申之歲馭九龍分身下降於楚臺之地苦縣潁鄉曲仁里寄胎於玄妙王女凡八十一年以武丁九年庚辰歲二月十五日降生因指李而爲姓既生能行復能言而又白首故號老子因爲侍者說百病之源授百藥之要使世人知之以保其壽兼示三光三元之術五行五牙之法保神固形內外還丹金液之道以致長生然後出三界昇九清上躋聖位下滅死根不終不始綿綿長存故邊韶作聖母碑云於惟真德抱虛守清樂居下位祿勢不營是也

猶龍傳卷之二

發六

十五